

Stänglein/mit G. bezeichnet/das man hin vnd wider  
zeihet/ vnd mit demselben das Wasser vnten hinein  
ziehe/ vnd darnach durch die andere Köhre wieder  
hinaus drucke. Aber in dem andern Loch im Stock  
mit D. bezeichnet/muß man wiederumb ein Ventil  
oder fürfallende Platte machen / welche sich gegen  
der Köhre F. auff vnd zu thue / denn wenn man das  
Pumpenstänglein / oder Pumpenkolben G. auffzei-  
het / so gehet vnten das vnter Ventil auff vnd zeihet  
sich das Wasser in die Köhre E. vnd das andere  
Ventil oder Platte sellet dargegen zu / das keine Luft  
oben durch die Köhre F. herunter kan / wenn man  
aber den Pumpenkolben / oder Stänglein wieder  
hinein drucket / so sellet das vntere Ventil / oder Platte  
zu / vnd das Wasser hebet das andere Ventil D. auff  
vnd drucket sich durch die Köhre F. hinaus wo man  
es hin haben wil / damit aber das Wasser desto her-